

Broj: 8600-12/17

Datum: 18.12.2017. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 8600-10/17 od 14.12.2017. godine, u postupku javne nabavke **roba – Parcijalna endoproteza kuka**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 8600-10/17 od 14.12.2017. godine, **roba – Parcijalna endoproteza kuka**, dodjeljuju ponuđačima po lotovima kako slijedi:

1. **LOT 1 - Parcijalna endoproteza kuka – cementna**, dodjeljuje se ponuđaču „**INEL - MED**“ d.o.o. Mostar, ponuda **dostavljena dana 28.11.2017. godine, za ponuđenu cijenu od 25.014,00 KM (bez PDV-a), kao najpovoljnijem ponuđaču.**
2. **LOT 2 – Parcijalna endoproteza kuka, tip „AUSTIN MOORE“, standard**, dodjeljuje se ponuđaču „**MEDICAL PARTNERS**“ d.o.o. Tuzla, ponuda **dostavljena dana 27.11.2017. godine, za ponuđenu cijenu od 8.440,00 KM (bez PDV-a), kao najpovoljnijem ponuđaču.**

Član 2.

Ugovorni organ je u tenderskoj dokumentaciji predvidio provođenje E-aukcije za sve predmetnu nabavku. Nakon prijema i evaluacije ponuda konstatovano je da je ponudu za predmetnu nabavku za LOT 1 dostavio 1 (jedan) kvalifikovani ponuđač, a za LOT 2 (dva) kvalifikovana ponuđača.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Član 3.

Ponuđači se oslobađaju dostavljanja originala ili ovjerene kopije dokumentacije iz člana 45. i 47. Zakona o javnim nabavkama nakon prijema Odluke o izboru najpovoljnijeg jer su navedenu dokumentaciju dostavili uz Izjave tj. ponudu.

Član 4.

Prijedlog Ugovora o nabavci dostaviće se na potpis izabranim ponuđačima nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 5.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **8600-2/17 od 07.11.2017. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **32.000,00 KM.**

Obavještenje o nabavci broj: 1125-7-1-399-3-106/17, poslato je na objavljivanje dana **14.11.2017. godine**, a objavljeno je na Portalu javnih nabavki dana **14.11.2017. godine**, Obavještenje o nabavci objavljeno je u Sl. Glasniku BiH broj: **83/17 od 17.11.2017. godine.**

Komisija za nabavku, imenovana je Rješenjem broj: **8600-3/16 od 07.11.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **8600-9/17 od 14.12.2017. godine**, Preporuku o izboru najpovoljnijeg ponuđača broj: **8600-10/17 od 14.12.2017. godine** i Izvještaj o radu broj: **8600-11/17 od 15.12.2017. godine**, u postupku javne nabavke roba – **Parcijalna endoproteza kuka.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da je ponuda ponuđača „INEL - MED“ d.o.o. Mostar, kvalifikovana i prihvatljiva za LOT 1, ponuda ponuđača „MEDICAL PARTNERS“ d.o.o. Tuzla kvalifikovana i prihvatljiva za LOT 2, dostavljeni su svi traženi dokazi propisani tenderskom dokumentacijom, na propisan način,

i

- da se odbacuje ponuda ponuđača „MARK MEDICAL“ d.o.o. Sarajevo za LOT 2 u skladu sa članom 68. stav (4) tačka i) Zakona o javnim nabavkama jer je u skladu sa Zahtjevom Komisije za javnu nabavku ponuđač „MARK MEDICAL“ d.o.o. Sarajevo za LOT 2 dostavio tražene uzorke, te je na osnovu dostavljenih uzoraka krajnji korisnik dao Mišljenje o dostavljenim uzorcima, na osnovu kojih LOT 2 ne zadovoljava tražene kriterije. Iz dostavljenog uzorka se ne može zaključiti da se radi o uzorku za stavku 4 iz tenderske specifikacije, jer nema navedenih osnovnih karakteristika, kataloški broj, dimenzija, sastav, kao i to da dostavljeni uzorak nije hrapav po površini i da je osjetno teži.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

Najniže cijene kako slijedi:

Redni broj	Naziv lota	Naziv/ime ponuđača	Ukupna cijena ponude bez PDV-a
1.	LOT 1 – Parcijalna endoproteza kuka – cementna	„INEL - MED“ d.o.o. Mostar	25.014,00 KM
2.	LOT 2 – Parcijalna endoproteza kuka, tip „AUSTIN MOORE“, standard	„MEDICAL PARTNERS“ d.o.o. Tuzla“	8.440,00,00 KM

Izabrani ponuđači su izabrani primjenjujući kriterij najniže cijene.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:

Amela Smajić Džaferagić, BA općeg prava
Referent za pravne poslove

KONTROLISALA:

Sadeta Hrustemović, dipl.lur.
Kordinator za javne nabavke



DIREKTOR

Prim. dr. Zlatko Kravić

Dostaviti:

- Ponuđaču: „INEL - MED“ d.o.o. Mostar
- Ponuđaču: „MEDICAL PARTNERS“ d.o.o. Tuzla
- Ponuđaču: „MARK MEDICAL“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.